

И. М. ДЕБИРОВ, *Резьба по камню в Дагестане*, Москва, 1966.
208 стр.

Հնագետ-արվեստաբան Պ. Ի. Դեբիրովի «Резьба по камню в Дагестане» ուշագրավ աշխատությունը տարիների քննադատական աշխատանքի արդյունք է:

Այն բաղկացած է ներածությունից, երկու գլուխներից և վերջաբանից:

Ներածությունում Պ. Դեբիրովը դադարեցնում է վերջիններիս մեծ խմբերի. ա) շենքերը հարդարելու նարտարապետական դեկորների, բ) տասպանաքարերի և ուրիշ պաշտամունքային նշանակություն ունեցող հնագիտական նյութերի, գ) կենցաղային նշանակություն ունեցող թեմաների: Դեբիրովը նշում է, որ Դաղստանի արվեստի այս բնագավառն ունի խոր ակունքներ, հանձինս ժողովրդական ավանդությունների, բարբերի, կրոնական հավատալիքների, սիմվոլիկ մտածողության և այլն: Լիարժանակ նա շատ բարձր է գնահատում, այդ շրջանում, հայ և վրաց ժողովուրդների արվեստների դադարանային արվեստի վրա ունեցած բարերար ազդեցությունը: Պ. Դեբիրովը 215-ի հասնող լուսանկարները նկարագրելուց զատ, տալիս է հնագիտական նյութերի աստիճանական գարգացման ընթացքը: Դա նրա աշխատության արժանիքներից մեկն է:

Հեղինակը գրախոսվող աշխատության «Դեղարվեստական բանդաների զարգացումը յարի վրա Դաղստանի ժողովուրդների մոտ» գլխում բնկում է դադարանային ժողովուրդների ստեղծագործության աշխարհագրական միջավայրն ու պատմական ուսումնասիրողները՝ ցույց տալով, որ զարդարանկարի զարգացումը բնթացել է սլարգից դեպի բարդը:

Պ. Դեբիրովը դադարանային զարդարանկարները բաժանում է չորս հիմնական խմբերի՝ գրաֆիկական կամ սլաֆոնային, երկրաչափական, ժապավենաձև և բուսական: Բնութագրելով առաջին խումբը՝ գրաֆիկականը, նա գտնում է, որ այն շատ բանով է տարբերվում մյուս ինքնուրույն խմբերից ոչ միայն քանդակելու տեխնիկայով, այլև տարբեր սյուժեներով և արտահայտած գաղափարներով:

Երկրաչափական քանդակազարդերը աչքի են ընկնում ուրիշ պահպանված և տարբերվում են ժապավենաձևից նրանով, որ որոշակի սիմվոլիկ իմաստ են արտահայտում: Չորրորդ խումբը՝ բուսական զարդաներն աչքի են ընկնում իրենց «նկուն հորինվածքներով»: Դրանք սիմետրիկ են, ունեն հստակ մոտիվներ, երբեմն նաև ամբողջական հորինվածքներ:

Պ. Դեբիրովը Դաղստանի հնագիտական նյութը բնկում է ըստ քաղաքական, տնտեսական և ազգագրական բաժանումների: Դաղստանում կողք-կողքի ապրել և ստեղծագործել են ավելի քան երեսուն ազգություններ: Ըստ նրանց առանձին պատմական և ազգագրական շրջանների էլ ստեղծվել են տարբեր արվեստագիտական դպրոցներ: Այսպես օրինակ, Տաբասարանը եղել է ինքնուրույն ֆեոդալական քաղաքական միավոր: Եվ քանի որ այս շրջանը միասնական է, ապա զարդարանկարները են միասնական, ամբողջական են. իրարից շատ տարբեր ձևեր այստեղ չեն նկատվում: Քրիստոնեական շրջանի տաբասարանցիների մոնումենտալ շինություններում նկատելի է ժապավենաձև զարդարանկարների օգտագործում: Տաբասարանցիները քրիստոնեական տաճարաշինությանը ծանոթացել են հարևան Հայաստանի և Վրաստանի ազդեցության ներքո, որտեղից և վերցրել են կառուցողական տեխնիկայի շատ ձևեր: Տաճարների հարդարումը վերաբերվում է ավելի ուշ շրջանի (IX դ.) նախամուսուլմանական արվեստին, որը նույնպես շատ ինքնուրույն ձևեր է ունեցել:

Դաղստանի արվեստում իր ինքնուրույն տեղն ունի նաև դուբալիների արվեստը: Լեռնցի դուբալիները Դաղստանի դեկորատիվ արվեստին տվեցին բուսական շատ զարդաներ (եռատերևներ, ժապավենաձև հյուսվածքներ, բյուզանդական սրմավներ և այլն), որոնք կազմում են սուրանձին սյուժետային խմբեր: Դուբալիների արվեստում սիրված մոտիվներ էին սուլուծի, ձիավորի, եղջերուի և քայլող մար-

դու պատկերները: Դադստանում զարդա-
քանդակային բոլոր ձևերը կատարելու-
թյան և զարգացման են հասնում XII—
XIV դդ.:

Աշխատության երկրորդ գլուխը նվիր-
ված է Դադստանի տապանաքարերի քա-
րե քանդակներին, որոնք առանձնահա-
տուկ տեղ են գրավում: Հեղինակը բացա-
հայտելով այդ զարդաքանդակների կիրա-
ռական և դեկորատիվ կողմերը, տապա-
նաքարերը բաժանում է երեք մեծ խմբերի՝
ա) սնդուկաձև, բ) կոթողաձև և գ) մար-
դակերպ ուղղահայաց երկարավուն կոթո-
ղաձև:

Դեքիրովը հանգամանորեն է խոսում
նաև քարի վրա քանդակման տեխնիկայի
մասին: Նա ըստ պատմական ժամանակա-
շրջանի, անդրադառնում է Գիդատլի, հա-
րավային և հյուսիսային Տաբատարանի,
դուբաշի-դարգինների, լաքերի, կումիկ-
ների, սվարների արվեստի տարբեր մը-
մուշներին, ցույց տալիս դրանց զարգաց-
ման ընթացքը: Դադստանյան, հատկապես
դուրաշիների մի շարք վարպետներ քա-
ջատելյակ են եղել արաբական գրերին:
Հայտնի են վիմաքանդակողների անուն-
ները (Ռաբադան Ռաբադանով և Խամզի
Օմարով) ու նրանց ստեղծած քանդակները,
որոնք առավել զեղեցիկ են:

Կումիկյան շրջանում լավ պահպան-
վել են այն քանդակները, որոնք պատկե-
րում են Ղուրանի մոտիվները, ժողովրդի
կյանքը ու կենցաղը, սովորույթները:

Առանձնապես հետաքրքրություն են
ներկայացնում տապանաքարերի զարդերը.
որքան հարուստ է հանգուցյալը, այնքան
ճոխ էր նրա տապանաքարը:

Երկրորդ գլխում խոսվում է նաև ժալ-
ուսպատկերային արվեստի մասին: Դա-
դստանի բրոնզեդարյան ժայռապատկեր-
ները բովանդակությամբ խորանում են հե-
տադարյում VII—XIV դդ., տեղի տալով
քանդակների նորանոր խմբերի: Դա Դա-
դստանի մշակույթի զարգացման կարևոր
ժամանակաշրջանն է, որին հետևում է եր-
րորդ կարևոր շրջանը՝ XV—XVIII դդ., երբ
ստեղծվում են Դադստանի արվեստի, ինք-
նուրույն, քանդակման դպրոցներ, որոնք
ուրույն տեղ ունեն կովկասյան ամբողջ մը-
շակույթի մեջ:

Դադստանի արվեստի չորրորդ կա-
րևոր շրջանը ընդգրկում է XIX—XX դդ.,
երբ զարդաքանդակային ձևերը ավելի են
մասնատվում և ժողովրդի ծոցից դուրս է-

կած շատ վարպետներ ստեղծում են իրենց
գլուխգործոցները:

Պ. Դեքիրովը հանգում է այն ճիշտ
հետևության, որ գիդատլիյան արվեստում
«խաչը և քառակուսին ունեն միասնական
բովանդակություն» (էջ 66):

Հեղինակը տալիս է երկրաչափական,
ժապավենաձև և բուսական զարդաքան-
դակների զարգացման առանձին շրջան-
ները և եզրակացնում, որ Դադստանում
հանդիպող քանդակները ունեն շատ միմ-
յաբերի խորքը գնացող տեղական կով-
կասյան շատ ընդհանուր արմատներ:

Հնգարկվող թեման և նյութի ընդգր-
կումը շատ մեծ է և լավ կլինե, որ աշխա-
տության հեղինակն անդրադառնալով այս
կամ այն դարում ստեղծված քանդակնե-
րին, տար նաև նրանց բնորոշ բոլոր տա-
րբերակները: Ցույց տալով հանդերձ, որ ըս-
տեղծված բազմաթիվ զարդերը ունեցել են
որոշակի սիմվոլիկ իմաստ, սիմվոլները բա-
ցատրում է շատ թուղիկ և վերջնական եզ-
րակացության չի հանգում:

Ներկայացված բազմաթիվ նյութերի
մեջ ուշագրավ է այն, որ հանդիպում են
հայկական արվեստին պատկանող խաչ-
քարեր՝ իրենց զարդամոտիվներով և հայե-
րեն լեզվով գրված արձանագրություննե-
րով: Հեղինակը դրանք ներկայացնում է
իբրև Դադստանի արվեստի նմուշներ
(տե՛ս գրախոսվող աշխատության մկ. մկ.
61, 62 և 63), մինչդեռ հյուսվածքաձև քան-
դակված նմանատիպ խաչքարերն իրենց
բազմաթիվ զուգահեռներն ունեն Հայաս-
տանում: Նյութը այս ձևով ներկայացնելը
մեր կարծիքով ճիշտ չէ: Դա ըստ երևույ-
թին հետևանք է այն բանի, որ հեղինակը
ծանոթ չէ Ս. Բարխուդյանի «Լիճնա-
դարյան հայ ճարտարապետներ և քար-
գործ վարպետներ» աշխատությանը:

Նա ժայռապատկերները թվագրում է
բրոնզե դարով, այնինչ Հայաստանում և
այլուր հանդիպում են ժայռապատկերների
այնպիսի խմբեր, որոնք թվագրվում են ս-
վելի վաղ, քան բրոնզե դարն է: Մասնա-
գետները ժայռապատկերները վերագրում
են միջին քարի դարի վերջին և նոր քարի
դարի սկզբին: Դադստանի ներկայացված
նյութի մեջ ևս կան շատ հին ժայռապատ-
կերներ:

Մասնակի այս դիտողությունները չեն
նվաստացնում Պ. Դեքիրովի աշխատու-
թյունը, որն անկասկած շատ արժեքավոր
է իր տեսակի մեջ:

Հ. Ա. ԱՍՄԱՐՅԱՆ